

**O'ZBEKISTON RESPUBLIKASI
OLIY SUDI
FARG'ONA VILOYAT
FARG'ONA TUMANLARARO
IQTISODIY SUDI**

150105. Farg'ona viloyati, Farg'ona
shahar, Al-Farg'oniy ko'chasi, 47



**ВЕРХОВНЫЙ СУД
РЕСПУБЛИКИ УЗБЕКИСТАН
ФЕРГАНСКИЙ МЕЖРАЙОННЫЙ
ЭКОНОМИЧЕСКИЙ СУД
ФЕРГАНСКОЙ ОБЛАСТИ**

150105. Ферганская область,
г. Фергана, ул. Ал-Фаргоний, 47

Тел. 73 244 64 12, 73 244 64 14 Веб-сайт: www.oliysud.uz

Эл.почта: i.fargona.t@sud.uz

А Ж Р И М

(даъво аризасини кўрмасдан қолдириш)

Фарғона тумани

2021 йил 5 апрель 4-1501-2102/855-сонли иш

Фарғона туманлараро иқтисодий судининг судьяси Д.С. Акрамова раислигида, И. Исломованинг котиблигида, даъвогар вакиллари И.И. (13.03.2021 йилдаги 138 -сонли ишончнома асосида) иштирокида, Ўзбекистон Савдо-саноат палатаси Фарғона вилоят ҳудудий бошқармасининг даъвогар "FERGANA-OSEANA" масъулияти чекланган жамияти шаклидаги хорижий корхонаси манфаатини кўзлаб судга киритилган жавобгар "Каримахон Саодатхон боғи" фермер хўжалиги фермер хўжалигидан 54517302 сўм жарима ундириш тўғрисидаги даъво аризаси бўйича кўзғатилган иқтисодий ишни Фарғона тумани, Лоғон қ.ф.й., Қалача кўчаси, 69-рақамли кластер биносида сайёр, очик суд мажлисида кўриб чиқиб қуйидагиларни

А Н И Қ Л А Д И :

Ўзбекистон Савдо-саноат палатаси Фарғона вилоят ҳудудий бошқармаси даъвогар "FERGANA-OSEANA" масъулияти чекланган жамияти шаклидаги хорижий корхонаси манфаатида судга даъво ариза билан мурожаат қилиб, жавобгар "Каримахон Саодатхон боғи" фермер хўжалигидан 54517302 сўм жарима ва почта харажати ундиришни, ишни палата вакили иштирокисиз кўришни сўраган.

Суднинг 16.03.2021 йил кунги ажрими билан низо предметида мустақил талаблар билан арз қилмайдиган 3-шахс сифатида Фарғона тумани ҳокимлиги жалб этилган.

Суд ишни Савдо-саноат палатаси вакили иштирокисиз кўриб чиқишни мумкин деб топди.

Даъвогар вакили даъводан воз кечиш ҳақидаги 05.04.2021 йил кунги рақамсиз аризани тақдим этишди.

Жавобгар ва низо предметида мустақил талаблар билан арз қилмайдиган 3-шахс сифатида жалб этилган шахс вакиллари судга келишмади.

Ўзбекистон Республикаси Иқтисодий процессуал кодекснинг 107-моддаси биринчи қисмининг 8-бандига мувофиқ "даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса" даъво аризасини кўрмасдан қолдириш учун асос бўлади.

Суд даъвогар томонидан берилган аризани инобатга олиб даъво аризасини кўрмасдан қолдиришни, тўланган почта харажати даъвогар зиммасида қолдириб, давлат божини даъвогардан ундиришни лозим деб топади.

Хужжат имзоланган: Акрамова Джамиля Сайфиевна, 05.04.2021



Юқоридагиларга асосан, суд Ўзбекистон Республикаси Иқтисодий процессуал кодексининг 107, 108, 195-моддаларини қўллаб,

А Ж Р И М Қ И Л Д И :

Даъво аризаси кўрмасдан қолдирилсин. Даъвогар тўлаган 19 600 сўм почта харажати зиммасида қолдирилсин.

Даъвогар “FERGANA-OSEANA” масъулияти чекланган жамияти шаклидаги хорижий корхонасидан республика бюджети ва суд ҳокимияти органларини ривожлантириш жамғармасига 1 090 346,04 сўм давлат божи ундирилсин.

Мазкур ажрим устидан бир ой муддат ичида шу суд орқали Фарғона вилоят судининг иқтисодий ишлар бўйича апелляция судлов ҳайъатига шикоят қилиниши (прокурор протест келтириши) мумкин.

Судья

Д.С. Акрамова

